

- 112 Staðfesting ráðuneytis Íslands á skipulagsskrá fyrir Skógræktarsjóð Borgar-
24. júní fjarðar, útgefin á venjulegan hátt 24. júní 1940 af dóms- og kirkjumálaráðherra.
Skipulagsskráin er þannig:

SKIPULAGSSKRÁ

fyrir Skógræktarsjóð Borgarfjarðar, gefinn til minningar um Ásdísi og
Guðrúnu Vigfúsdætur.

1. gr.

Sjóðurinn heitir Skógræktarsjóður Borgarfjarðar.

2. gr.

Sjóður þessi er stofnaður með 5000 — fimm þúsund — króna gjöf hjónanna Sigrúnar Stefánsdóttur og Vigfúsar Guðmundssonar, gestgjafa í Borgarnesi, til minningar um dóttur þeirra, Ásdísi, og dóttur og stjúpdóttur, Guðrúnu.

3. gr.

Tekjur sjóðsins eru vextir af höfuðstól hans. Ennfremur gjafir og áheit, er stofnendur eða aðrir kunna að leggja til hans.

4. gr.

Sjóðurinn skal ávaxtaður í Sparisjóði Mýrasýslu, eða á öðrum jafntryggum stað, $\frac{1}{4}$ hluta ársvaxta sjóðsins skal ætíð leggja við höfuðstól hans. $\frac{3}{4}$ hluta þeirra má veita úr honum samkvæmt 8. gr. Aðrar tekjur, er sjóðnum hlotnast, skulu leggjast við höfuðstól hans.

5. gr.

Tilgangur sjóðsins er að efla skógrækt í Borgarfjarðarhéraði (Mýra- og Borgarfjarðarsýslum), með því að veita verðlaun þeim einstaklingum, félögum eða stofnunum í héraðinu, sem mest og farsælast hafa unnið að skógrækt síðustu fimm árin á undan, og að dómi sjóðstjórnarinnar eru verðlaunaverðust í þessum efnum.

6. gr.

Telji stjórn sjóðsins eitthvert ár engan verðan þess að fá verðlaunin, þá leggjast allir þess árs vextir við höfuðstól sjóðsins. Aldrei má veita sama aðila verðlaun úr sjóðnum nema einu sinni á hverjum fimm árum.

7. gr.

Þeir, sem óska að njóta verðlauna úr sjóðnum, skulu sækja um þau skriflega til sjóðstjórnarinnar fyrir 1. apríl. Umsókn skal fylgja lýsing á þeim framkvæmdum, sem verðlauna er óskað fyrir og meðmæli frá stjórn Skógræktarfélags Borgarfjarðar, um að verðlaunin verði veitt. Stjórn sjóðsins skal þó heimilt að veita verðlaun, án þess að um þau sé sótt.

8. gr.

Stjórn sjóðsins skal ákveða, hve mörgum skuli veitt verðlaun úr sjóðnum á ári hverju og hve há hverjum. Eigi má þó veita lægri verðlaun en 100 — eitt hundrað — krónur.

9. gr.

Stjórn sjóðsins skipa fimm menn, og séu það: Sýslumaðurinn í Mýra- og Borgarfjarðarsýslu, formaður Skógræktarfélags Borgarfjarðar, formaður Ungmennasam-

bands Borgarfjarðar, skólastjóri bændaskólans á Hvanneyri og skólastjóri héraðs- 112
skólans í Reykholti. Einnig verði tveir varamenn þessara manna og séu það odd- 24. júní
vitinn í Andakílshreppi og oddvitinn í Borgarneshreppi.

10. gr.

Reikningar sjóðsins skulu árlega gerðir af sjóðstjórninni og lagðir fyrir sýslu-
nefndir Mýra- og Borgarfjarðarsýslu til samþykktar.

11. gr.

Skipulagsskrá þessari má ekki breyta nema eftir tillögu sjóðstjórnar, enda sé
það samþykkt af sýslunefndum Mýrasýslu og Borgarfjarðarsýslu. Nafni og tilgangi
sjóðsins, semkvæmt gjafabréfi, má þó aldrei breyta.

12. gr.

Leita skal konunglegrar staðfestingar á skipulagsskrá þessari.

Framanrituð skipulagsskrá var þannig samþykkt á fundi sýslunefndar Mýra-
sýslu 6.—8. maí 1940 og á fundi sýslunefndar Borgarfjarðarsýslu 14.—16. maí 1940.

Skrifstofu Mýra- og Borgarfjarðarsýslu, 25. maí 1940.

Jón Steingrímsson.

REGLUGERÐ

113

um skyldu skipa og flugfara til að koma á tilteknar hafnar eða hafnarstaði til
þess að fá fyrstu og síðustu afgreiðslu hér á landi. 25. júní

1. gr.

Öll skip, sem koma hingað frá útlöndum og ætla að taka hér aðrar hafnir en
Reykjavíkurhöfn eða Akureyrarhöfn, skulu á leiðinni frá útlöndum taka höfn í ann-
ari hvorri þessara hafna til þess að fá fyrstu afgreiðslu hér, nema þau þurfi að leita
annara hafna í neyð, enda sannist það í sjóprófi, að um neyðarhöfn hafi verið að ræða.

Þá skulu öll skip, sem fara héðan til útlanda, láta síðast úr höfn annað hvort
úr Reykjavíkurhöfn eða Akureyrarhöfn.

2. gr.

Öll flugför, sem koma hingað frá útlöndum og ætla að lenda hér annarsstaðar
en í Reykjavík, skulu á leiðinni frá útlöndum lenda í Reykjavík til þess að fá fyrstu
afgreiðslu hér, nema þau þurfi að lenda annarsstaðar í neyð, enda sannist það fyrir
lögreglurétti, að um neyðarlending hafi verið að ræða.

Þá skulu öll flugför, sem fara héðan til útlanda, leggja síðast upp héðan frá
Reykjavík.

3. gr.

Til sönnunar því, að skip og flugför hafi fengið í ferð sinni að landinu tilskylda
fyrstu afgreiðslu hér á höfnum þeim og hafnarstöðum, sem getur í 1. og 2. gr. hér
að framan, skulu þau fá hjá tollyfirvöldunum á þessum stöðum skirteini þar að lút-
andi, sem ber að leggja fyrir tollyfirvöld hér, ef krafizt verður.

Skipum og flugförum er óheimilt að leggja af stað héðan til útlanda fyr en þau